



Komisija za dodjelu budžetskih sredstava

Broj: 01/2-04-716/26
Ilijaš, 05.05.2026. godine

Na osnovu tačke 45. a u vezi sa tačkom 47. i 48. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine (Službene novine Federacije Bosne i Hercegovine broj: 15/18), Komisija je 4. (četvrtoj) sjednici koja je održana dana 05.05.2026. godine donosi:

Odluka o odbijanju prijava aplikanata

Član 1.

Ovom Odlukom usvaja se lista aplikanata čije prijave ne ispunjavaju opće uslove predviđene Javnim pozivom za prikupljanje zahtjeva udruženja i nevladinih organizacija, a radi dodjele sredstava za finansiranje/ sufinansiranje iz Budžeta Općine Ilijaš za 2026. godinu za oblast udruženja i nevladinih organizacija koja okupljaju boračku populaciju i kao takve se odbijaju.

Član 2.

Lista aplikanata iz člana 1. ove Odluke:

Naziv aplikanta	Naziv aplikacije
Udruženje demobilisanih branilaca odbrambeno-oslobodilačkog rata 1992.-1995. Općine Ilijaš	- Oslobođanje južnih padina Čemerske planine "Pobjeda 94" -Dan udruženja
JOB "Unija veterana" Općina Ilijaš	- Odbrana Salkanovog hana i Popovića-pogibija Tufe Alića -Veteranske sportske igre -Moševičko brdo-pogibija majora Hašima Spahića -Dan veterana -Izrada svečanih veteranskih uniformi
Udruženje dobitnika najvećih ratnih priznanja Općine Ilijaš	-Obilježavanje "Dana ljiljana"
Udruženje ratnih vojnih invalida Općina Ilijaš	-15.06.2026. Dan ratnih vojnih invalida Općine Ilijaš -Sportske igre RVI-KS

Član 2.

Prijave aplikanata iz člana 2. odbijaju se jer ne ispunjavaju opće uslove navedene u Javnom pozivu i kao takva ne ulaze u sljedeću fazu ocjenjivanja prijava, prijedloga i projekata po javnom pozivu.



Član 3.

Aplikantima iz člana 2. ove Odluke dostaviti će se informacija o razlozima odbijanja prijave.

Član 4.

Ova odluka stupa na snagu danom objavljivanja, a ista će biti objavljena na oglasnoj tabli općine Ilijaš.

Obrazloženje:

Komisija za dodjelu budžetskih sredstava na sastanku koji je održan dana 17.04.2026. godine evidentirala je sve prijave koje su zaprimljene putem protokola te pristupila provjeri da li dostavljene prijave ispunjavaju opće uslove propisane Javnim pozivom za prikupljanje zahtjeva udruženja građana i nevladinih organizacija, a radi dodjele sredstava za finansiranje/sufinansiranje iz Budžeta Općine Ilijaš za 2026. godinu. Nadležna Komisija je detaljnim pregledom svake prijave utvrdila one koje su blagovremene jer su zaprimljene u javnim pozivom definisanom roku, kao i one koje su neblagovremne jer su dostavljene nakon isteka krajnjeg roka za dostavljanje prijava.

Komisija je, nakon uvida u tekst javnog poziva i zaprimljene aplikacije konstatovala da je javnim pozivom izričito propisano da će se finansirati isključivo redovan rad udruženja, a to je navedeno kao "Za stručnu i pravnu pomoć članstvu u ostvarivanju njihovih statusnih pitanja (administrativno tehničko lice, troškovi prostora, režijski troškovi, kancelarijski materijal)", dok projekti koji se odnose na obilježavanje pojedinačnih događaja, manifestacija ili sličnih aktivnosti nisu predviđeni kao prihvatljiv predmet finansiranja. Polazeći od načela zakonitosti i jednakog tretmana svih aplikanata, Komisija je utvrdila da aplikacije koje se odnose na navedene projektne aktivnosti ne ispunjavaju formalne i materijalne uslove propisane javnim pozivom, te kao takve ne mogu biti predmet daljeg razmatranja niti bodovanja u postupku dodjele sredstava. Komisija posebno naglašava da bi prihvatanje i razmatranje takvih aplikacija bilo suprotno jasno utvrđenim pravilima javnog poziva, čime bi se narušio princip transparentnosti i ravnopravnosti učesnika u postupku. Shodno svemu gore navedenom Komisija je na osnovu tačke 45., 46. i 47. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 15/18) donijela Odluku kao u dispozitivu.

Pouka o pravnom lijeku: Protiv ove Odluke nezadovoljna stranka ima pravo Prigovora Komisiji u roku od 8 dana od dana objavljivanja, a ista će biti objavljena na oglasnoj tabli općine Ilijaš.

Sekretar Komisije
Mediha Dervišević, Mr prava

Predsjednik Komisije

Dostavljeno:

1. Oglasna tabla
2. a/a